



UNIVERSITÄTS-
BIBLIOTHEK
PADERBORN

Compendium Privilegiorum, Et Gratiarum Societatis Jesu

Pragae, Anno M.DCC.III.

VD18 13723553

Sepulturæ

[urn:nbn:de:hbz:466:1-65423](https://nbn-resolving.org/urn:nbn:de:hbz:466:1-65423)



Nhibitum est omnibus Religiosis, & aliis secularibus, ne aliquorum defunctorum corpora in Nostriſ cœmeteriis ſepelire, aut in Eccleſiis Noſtris Miſſarum ſolemnia, vel pro animabus eorum, qui ad loca Noſtra tumulandi feruntur, ibidem exequias celebrare ſine Noſtro aſſenſu præſumant. Conceſſum eſt Minimis, à Jul. II. per Bullam, dat. Kal. Aug. 1506. Incipit: *Virtute conſpicuos*; eſt 26. in Bull. Regul. §. 24. Poſſumus autem liberè in Eccleſiis & cœmeteriis Noſtris omnes, qui in eis ſe ſepeliri deliberaverint (exceptis excommunicatis, interdicitis, ac publicè uſurariis) ſalvâ tamen juſtitiâ illarum Eccleſiarum, à quibus mortuorum corpora aſſumentur, ſepelire: ut eiſdem Minimis conceſſum eſt, in eadem Bulla §. 23. & Camaldulenſibus ab Alex. IV. per Bull. dat. 10. Kal. Aug. 1258. Incipit: *Officii Noſtri*; eſt 11. in Bull. comm. §. 16. & à Cæleſtino V. Cæleſtiniſ per Bull. dat. Kal. Oct. A. 1. Incipit: *Eſſi cunctos*; ut in Bull. com. §. 22. Similes conceſſiones Bullatæ habentur ibid. Greg. XI. Bullâ 7. §. 24. pro Dominicanis: Sixti IV. Bullâ 10. §. 20. pro Congr. Lateran. & 7. §. 57. pro Carmelitis: & Julii II. 12. §. 35. pro Olivetanis.

Hæc facultas, quod attinet ad inhibendum, omnibus Superioribus communicatur: quoad sepeliendum autem Præposito Generali reservatur, juxta Institutum.

Vide verbo *Ecclesia*. §. 3. & verbo *Familiares*. §. 1. & verbo *Interdictum*. §. 4. & 5.



SIMONIA.

Dispensatio in conventionibus circa Beneficia, &c.



IN unionibus, annexionibus, incorporationibus, & reformationibus, seu receptionibus Monasteriorum, Prioratum, vel aliorum Beneficiorum Ecclesiasticorum, pro Nostra Societate faciendis, possunt omnes Præpositi ac Rectores, cum Prælatis, & personis, quæ monasteria, seu beneficia hujusmodi obtinent, voluntque dimittere in commodum Societatis, vel alicujus Domus, seu Collegii ejusdem Societatis, inire conventiones, & pacta, quæ illicita, & quando Apostolicâ confirmatione carerent, expressè prohibita censerentur. Concessit Julius II. Olivetanis per Bullam, datam prid. Non. Jun. 1507. Incipit: